

INUIT ATAQATIGIIT

INATSISARTUNI



Nuuk, den 24. juni 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Sara Olsvig, Inuit Ataqatigiit)

Apeqqutit:

- 1)** Kalaallit Nunaata IWC-i (Den Internationale Hvalfangstkommission) avaqqullugu nammineq arfattassanik aalajangiiniarneranut danskit naalakkersuisuisa isumaqatigiissutinik unioqqutitsinertut isiginninnerannut Naalakkersuisut isumaqataappat?
- 2)** Taamaangippat taava Kalaallit Nunaata isumaqatigiissutinik unioqqutitsinngitsutut isumaqarfigineranut suna tunngavilersuutaava?

Tunngavilersuut:

Maanna danskit naalakkersuisuisa pisortatigoortumik nalunaarutigisimavaat ukiup naanerani IWC-ip, Kalaallit Nunaata Naalagaaffeqatigiittullu tamarmiusut peqataaffigisinnaasaannik inerniliisoqanngippat taava naalagaaffeqatigiit IWC-miit anissaat Danmarkip sulissutigilersaaraa.

Danskit naalakkersuisuisa IWC-miit anisinnaanermut oqariartuteqarnerminni tunngavilersuutigivaat Danmarkip IWC-mut ilaasortaajutigaluni isumaqatigiissutinik unioqqutitsinissaq peqataaffigisinnaanngikkaa.

IWC *arfanniarnermut* ataatsimiititaliarsuarmiit arfernik *eqqissimatitsinissamut* ataatsimiititaliarsuartut pissuseqariartuaarsimavoq. Tamanna pissutigalugu nunat arfanniartartut, soorlu Kalaallit Nunaat, ataatsimiititaliarsuarmut ilaasortaasalu amerlanersaannut pissusissamisut attaveqarnissamut ajornakusoortitsiartuinnarput, taakkuami pisuussutit uumassusillit nungusaataangitsumik atorneqarnerannut imaluunniit paasissutissanut inassuteqaatinullu ataqqinnippasinngimmata.

Kalaallit Nunaannut pisassiissutaasarsimasut, maannalu Kalaallit Nunaata imminut pisassiissutai nungusaataangitsumik atuinissamik aammalu IWC-ip ilisimatuusutsikkut komiteata inassuteqaataannik aallaaveqartunik pisassiissutigineqarput.

Kalaallit Nunaata pisuussutiminik uumassusilinnik nerisaqartitsiuarsinnaanissaa pisariaqavimmat IWC-mut ilaasortaanermut apeqqut iluarsivigineqartariaqarpoq. Tassanilu IWC-miit aniniarsinnaanermut tunngavilersuutit suunissaannik qanorlu periuseqartoqarnissaanik Naalagaaffeqatigiinnerup iluani ataatsimoorussamik sarnarfinissaq siullertut isumagisassaavoq.